

LINGUSSIMO – LA CONCURRENZA SVIZRA DA SCRIVER



Tema 2025: «Viadi en il temp»

Tema dal final 2025: «Poesia»

Public en mira: giuvenils tranter 16 e 21 onns, classas dal stgalim secundar II



Premis per ils giuvenils che participeschan:

- per las contribuziuns las pli creativas: la participaziun al final naziunal
- per las victuras ed ils victurs dal final: bons da cumpra en la valur totala da CHF 1'800

Premis per tut las classas che participeschan:

- nus tirain la sort per CHF 500.– per la cassa da la classa

Descripziun curta

La concurrenza [LINGUSSIMO](#) sa drizza a giuvenils tranter 16 e 21 onns ed a classas dal stgalim secundar II da tut la Svizra.

Per pudair participar a la concurrenza scrivan ils giuvenils **dus texts**, mintgin en in'autra lingua naziunala. En l'emprim text vai per il tema «**Viadi en il temp**». Sche las scolaras ed ils scolars vulan, pon els sa referir ad in lieu spezial en Svizra. Alura vegn lur text eventualmain publitgà sin la [charta interactiva](#) da la concurrenza. Lubì è tut: fizziun, descripziun, poesia ... Il segund text pli curt tracta d'ina experientscha persunala cun linguas estras u cun la plurilinguitad.

Las auturas ed ils auturs da las 30 contribuziuns las pli creativas pon participar al **final** che ha lieu questa giada a **Delémont** ed è deditgà al tema «**Poesia**». Il final metta en il center l'inscunter ed il barat linguistic: las participantas ed ils participants scrivan – ensemen cun in giuvenil d'ina autre regiun linguistica e cun agid dad auturas ed auturs da tut las quatter regiuns linguisticas – ina curta istorgia ch'els preschentan silsuenter a la giuria ed a las outras participantas ed als auters participants. Ils traïs megliers tandems gudognan bons da cumpra en la valur totala da CHF 1'800 per differentas butias e/u entradas en ils pli bels museums da la Svizra.

Termins

- ultim termin d'annunzia: 31 da schaner 2025
- ultim termin per inoltrar contribuziuns: 15 da favrer 2025
- valitaziun naziunala: entschatta da mars 2025
- publicaziun dals resultats: mez mars 2025
- final: 14-15 da zercladur 2025 a Delémont

annunzia online: [cliccai qua!](#)

Finamiras

Cun LINGUSSIMO vul il [Forum Helveticum](#) promover la chapientscha ed il barat dals giuvenils che derivan da las differentas regiuns linguisticas da noss pajais, svegiliar lur interess per la plurilinguitad svizra ed als sustegnair da duvrar las linguas naziunalias en la pratica.

A la concurrenza pon sa participar tut ils giuvenils tranter 16 e 21 onns. Ella è però adattada surtut per classas dal stgalim secundar II e dat a las personas d'instrucziun la pussaivladad da discutar davart la dumonda da la plurilinguitad en Svizra. Tranter tut las classas che s'annunzian per la concurrenza vegni tratg la sort per in premi unic da CHF 500 per la cassa da la classa.

Infurmaziuns

A las persunas interessadas stattan a disposiziun infurmaziuns online (www.linguissimo.ch, [Facebook](#) ed [Instagram](#)) ed il document cun [las indicaziuns didacticas per las personas d'instrucziun](#). En cas da dumondas stat la manadra da project da LINGUSSIMO gugent a disposiziun via info@linguissimo.ch.

La rait da LINGUSSIMO

LINGUSSIMO è vegnì fundà il 2008 dal [Forum Helveticum](#) en collavuraziun cun pliras organisaziuns da furmaziun ed associaziuns da scolastas e scolasts (vesair sutvart).

Patrunadi

- Isabelle Chassot, cussegliera dals chantuns
- Nicoletta Mariolini, delegada federala per la plurilinguitad

Cussegli consultativ

- Virginie Borel, directura Forum da la bilinguitad
- Eva Hirschi, schurnalista independenta
- Chasper Pult, romanist e mediatur cultural
- Fabio Pusterla, poet, translatur e criticher da litteratura
- Carole Sierro, coordinatura interchantunala per la furmaziun (VS)

Commembras e commembers da la giuria

- Viola Cadruvi, columnist
- Sarah Gaffino, translatura
- Stephanie Granzeuer, collavuratura Müllerhaus
- Marica Iannuzzi, scolasta
- Noce Noseda, actur e reschissur da teater
- Chasper Pult, romanist e mediatur cultural
- Karin Rey, autura e scolasta
- Directer Aargauer Literaturhaus

Partenarias e partenaris

- Associaziun per la promoziun da l'instrucziun plurilingua en Svizra (APEPS)
- Associaziun tettgala svizra da magistras e magisters (LCH)
- Conferenza da las recturas e dals recturs da gimnasis svizzers (CDGS)
- Coscienza Svizzera
- Forum da la bilinguitad
- FriLingue
- Furmaziun Professionala Svizra (FPS)
- Giuventetgna Rumantscha
- Infogiovani
- Infoklick
- Movetia
- Osservatorio linguistico della Svizzera italiana
- Scola auta da pedagogia – Scola auta spezialisada da la Svizra dal Nordvest (FHNW)
- Societat svizra da las personas d'instrucziun dal stgalim secundar II (SSISS)
- Sprachkreis Deutsch

